

安陽縣金石錄

安陽縣金石錄卷第九

偃師武虛谷先生著

安陽縣知縣鐵嶺貴 泰校梓

聖旨碑

存正書在府西關白龍王廟大德三年五月

長生天底氣力裏皇帝聖旨道與隨州城縣鎮村寨達魯花
赤每大小官員每去的來的使臣每已先底聖旨裏脫因也
里克溫先生答失蠻不揀那箇大小差發休着者天根底禱
告祈福祝願者道來的聖旨躰例裏彰德府咱每的上清正
一官有的李大帥爲頭先生每根前大上老君的道子休別
了者告天與咱每祝願祈福者爲這般上頭把着行踏的聖

旨與來這先生每的宮觀房子裏是他每的使臣休下者鋪
頭口祇應休要者地稅商稅休與者這的每田地水土不揀
是麼東西揀那呵誰休倚氣力奪要者這的每休道有御寶
聖旨道呵俺每聖旨根底別箇底沒躰例勾當休做者做呵
更不怕那甚麼聖旨俺每的猴兒年六月十四日開平府有
的時分寫來

長生天底氣力裏大福蔭護助裏皇帝聖旨城子裏的達魯
花赤每根底管軍的官人每根的管民的官人每根的軍人
每根的過往使臣每根的民戶根的宣諭的聖旨成吉思皇
帝哈罕皇帝聖旨裏和尙也里可溫先生答失蠻每除地稅
商稅不揀甚麼休當者告天祈福與者莫道來如今依先聖

旨牀例裏除地稅商稅外不揀甚麼差發休交當者告天祈
福與者莫道彰德府有的上清正一宮洞淵普濟廣德真人
正一清的徒弟通玄大師文德圭把着行的聖旨與來這的
母宮觀裏房子裏使臣休下者鋪馬祇應休當者地上園菓
水碾解典庫浴房不揀甚麼休奪要者這先生每有聖旨莫
道沒牀例的事休做者做呵他不怕那甚麼聖旨猴兒年七
月二十八日上都有的時分寫來

長生天氣力裏大福應護助裏皇帝聖旨軍官每根的軍人
每根的城市裏達魯花赤官人每根的來往的使臣每根的
宣諭的聖旨成吉思皇帝哈罕皇帝聖旨裏和尚也里克溫
先生每不揀甚麼差發休着告天祈福者莫道來如今依先

聖旨躰例裏不揀甚麼差發休着告天祈福者麼道這彰德府有的敕賜大上清正一宮任持的純靜抱一輔化真人文德圭崇真源道立應法師太一嗣師劉道真根的執把行的聖旨與來這的每宮觀殿宇裏他每房舍裏休下者鋪馬祇應休與者田產池沼水土園林碾磨不揀甚麼他每的休強行奪要者這的每却道俺有聖旨莫道無躰例勾當休做者做呵他不怕那甚麼聖旨俺的鷄兒年二月初一日柳林裏有時分寫來

上天眷命皇帝聖旨鑄金象物古闔不若之殿蘊藻薦芬上有克誠之享口爾光口演道通妙法師本宗三代宗師太一嗣師劉道真口標霞宇召應殿車行孚世祖之淵衷祀復漢

家之誌典姑射所居無疵癘漆園之語可徵壺翁以術役鬼神玉府之符斯驗灼著祈禳之效允惟衆庶所推雨暘屢應於雩壇祿異莫逃於犀燭正一五雷之法自南土既克闡於芳猷太一五福之位蒞中央尙丕承於靈貺特頒異數庸進仙階賜號演道妙應之一真人本宗三代宗師主太一祀事如故王者施行

大德三年五月 日

案碑分四層第一層猴兒年六月聖旨二層猴兒年七月聖旨三層鷄兒年二月聖旨皆以國語製文便於通俗行之元史泰定紀詔曰薛禪皇帝可憐見嫡孫裕宗皇帝長子我仁慈甘麻刺爺根底封授晉王統領成吉思皇帝

四個大幹耳朵及軍馬達達國土都付來依著薛禪皇帝
聖旨小心謹慎但凡軍馬人民的不揀甚麼勾當裏遵守
正道行來的上頭數年之間百姓得安業在後完澤篤皇
帝教我繼承位次大幹耳朵裏委付了來已委付了的大
營盤看守著扶立了兩箇哥哥曲律皇帝普顏篤皇帝姪
碩德八剌皇帝我累朝皇帝根底不謀異心不圖位次依
本分與國家出氣力行來諸王哥哥兄弟每衆百姓每也
都理會的也者今我的姪皇帝生天了也麼道迤南諸王
大臣軍士的諸王駙馬臣僚達達百姓每衆人商量著大
位次不宜久虛惟我是薛禪皇帝嫡派裕宗皇帝長孫大
位次裏台坐地的體例有其餘爭立的哥哥兄弟也無須

這般晏駕其間比及整治以來人心難測宜安撫百姓使天下人心得寧早就這裏卽位提說上頭從著衆人的心九月初四日於成吉思皇帝的大斡耳朵裏大位次裏坐了也交衆百姓每心安的上頭赦書行有正與此碑相類是卽位建元之詔尙如此矣攷元令式者當知其用意之存也四層稱大一廟師劉道真行乎世祖之淵衷祀復漢家之盛典云云元史釋老傳大一教者始金天眷中道士蕭抱珍傳大一三元法錄之術因丕其教曰大一四傳而至蕭輔道世祖在潛邸聞其名命史天澤召至和林賜對稱旨留居官邸以老講授弟子李居壽掌其教事至元十一年建大一宮於兩京命居壽居之領祠事且禋祀六丁以

繼太保劉秉忠之術此碑稱大一嗣師劉道真亦其徒黨也又云祀復漢家之志典卽指太一祠事而史皆佚之不書碑在今西關白龍王廟墻西據所載爲上清正一宮蓋元之遺址世人久無知之遂致方志踈漏可慨也

安陽重修漢尙書樂公廟記

存正書大德五年十一月立在縣東伏恩村

翰林直學士朝列大夫知制誥同修國史劉賡撰并書

承務郎太常寺丞李元禮篆額

樂尙書已者字叔元魏郡內黃人也縣嘗隸相州後還魏郡公墓在安陽之伏恩里故復爲相人焉公生於斯長於斯其歿也葬於斯千載而下尙能興雲致雨福惠鄉里且賢哲之

於四方固無越肥秦瘠之間揆之以聖人去齊則拔浙而行
去魯則曰遲遲吾行也則知公神游故國裴回而不忍訣者
昭昭矣矧今之畎畝乃昔人之耕稼今之遺民乃昔人之子
孫苗裔惟桑與梓必恭敬止宜乎邦之人尸而祝之社而稷
之也公之出處語默范蔚宗東漢書臧神僊傳具載其事然
而能治廬山之鬼於呼吸之間而不能已憲陵侵毀小人墳
墓禁錮廿餘年能滅成都之火於數千里之外而不能理竇
武陳蕃之冤於咫尺之間竟自罹其禍嗚呼公之所能者德
勝妖也公之所不能者天也不然廷尉之獄何其逼耶當桓
靈之際闔豎擅政於中儉人用事於外舉朝之人不附於此
則陷於彼士大夫中立不倚者幾何人斯其憂國愛君殺身

以成仁有如公者蓋歷歷可數也傳之故老墓上舊有公廟
邑人事之惟謹飲食必祭水旱癘疫必禱禱之輒捷如影響
廟因河水泛溢金皇統間遂移於此見於大定廿五年鄉貢
進士山邦直重修廟記歲月滋久棟宇是傾象設僅存風雨
弗庇里人耆老相與合謀而營葺之富者以財壯者以力削
廟朽壤之工亦各獻其技昭其儉也顧舊貫之雖仍撤而新
之與改作而何異落成於大德三年之春廟當有記謹其始
末祝集賢慥以鄉人之意屢以爲言故援翰而不辭焉曰賜
曰暘曰雨曰雨年屢豐穰物無疵厲則神之庇蔭一方者亦
可以爲至矣而神之望於人者豈特牲醪香火具而已哉力
田則有秋惰游則餬口不給其於仰事俯畜之際可不慎歟

辟寧之間動靜交養則神之所以爲神人之所以事於神者
庸有既乎又明年春三月望日記

大德五年十一月十九日建

安陽李郁刊

康少山按後漢書巴內黃人學覽經典爲佳陽太守定禮
制興學校李固荐巴治迹徵守光祿與杜喬周舉等八人
行郡邑巴素有道術能役鬼神豫章郡多山川鬼怪巴翦
理姦巫百姓以安會憲陵壞人塚墓巴上疏切諫坐下獄
抵罪還家二十年靈帝卽位陳蕃竇武被誅巴訟其寃帝
怒付廷尉自殺章懷注引神仙傳巴治廬山廟黃父鬼及
正朝大夫會嘔酒止巴郡火皆荒誕不足信也巴非邑人
故不志於人物而附見於此劉廙字熙載洛水人有文名

當時大製作皆出其手元史有傳

案碑前題銜翰林直學士朝列大夫知制誥同修國史劉
廣撰并書承務郎太常寺丞李元禮篆額元史本傳廣大
德二年陞翰林直學士六年奉使宣撫陝西由侍講學士
陞學士此碑立於大德五年書官與史符惟朝列大夫同
知制誥傳亦畧之不書碑載樂尚書魏郡內黃人也縣嘗
隸相州後還魏郡公墓在安陽之伏恩里攷內黃還魏郡
宋時割隸元因之故碑云然又言傳之故老墓上舊有公
廟廟因河水泛溢金皇統間遂移於此見大定廿五年鄉
貢進士山邦直重修廟記內黃縣志漢樂巴廟傳在家西
金大定二十五年重修進士山邦直記後爲雷擊正與碑

符

韓氏新塋世德之碑

存正書大德七載九月立在縣東南伏恩村

太中大夫江南浙西道提刑按察使胡祗適撰

奉直大夫前彰德路轉運副使李揆篆額

承事郎太常博士男胡持書

韓之賜姓命氏有國有家見於詩於春秋於司馬史記子孫
或晦或顯代不乏人遭秦并田既廢封建亦判罷賢望之後
同列編民離鄉去國譜世系族墳廬良法偕亡散處四方流
落異域故莫考其世次宣武將軍中衛千戶韓進狀其考妣
之德業請銘墓碑韓氏世爲太康方城人完顏金亡避亂求

安北渡河遂占籍相之安陽伏恩宣武之考諱成妣朱氏朱
亡娶其妹生男七人曰興進舉冲惠忠璋今所存者進忠兩
人耳進卽宣武公也孫男七人德榮德祿鵬飛德温德恭德
元女孫十人成隱德不耀孝悌力田終其身進結髮從軍隸
本路元帥李侯帳下以材勇爲百夫長攻釣漁下襄鄧破垣
賊屢以戰功受錦衣寶鞍之賜仍得拔都之美名至元四年
隸屬武衛出則先驅清道春秋山入則守護門關修完城
郭首尾服勞者七年至元十一年九月樞府劄口管鎮襄樊
歸附新軍是月拜命同右丞洪公取日本奪敵旗馬鉦鼓以
功北京行省咨保於樞府樞府授以北京等路新簽洪軍二
口一十名半口告身一通月俸十七貫文十五年正月勅牒

拜忠顯校尉管軍總把月俸有加十六年陞武畧將軍明年
八年宣命武義將軍月俸有加又明年陞武德將軍佩金符
復征日本不妨本職充行省都鎮撫兼提舉帳前總戎旗鼓
司事大德二年十月欽授恩命遷宣武將軍職事如故公孝
思追遠自謂以騎射起舉得至今日皆父母怙恃誨道之恩
欲報罔極七年秋卜葬考妣於清河之西域阡陌不可無旌

紀銘曰

集德在身弗仕弗耀天道昭昭以福酬報其報維何有子克
孝其孝維何宣武是蹈履從勤勞雪衣霜帽衛侍謹恪雨牙
風肅公不及私貞不改操彤弓金符功賞加懋起宗榮親人
莫能到生事愛敬沒葬豐茂來裔如林是則是效

大德七載秋九月七日宣武將軍中衛千戶進忠等立石

案碑前結銜太中大夫江南浙西道提刑按察使胡祗遯

撰奉直大夫前彰德路轉運副使李揆篆額承事郎太常

博士男胡持書元史列傳祗遯字紹開磁州武安人召拜

翰林學士不起改江南浙西道提刑按察使與碑合子持

太常博士亦與碑符惟祗遯階太中大夫子持階承務郎

傳畧之不書碑約述成隱德不耀孝悌力田終其身而載

其子進歷官戰功獨詳蓋進初以材勇爲百夫長拜忠顯

校尉管軍總把陞武畧將軍宣命武義將軍陞武德將軍

充行省都鎮撫兼提舉帳前總戎旗鼓司事遷宣武將軍

云元史不爲立傳故據其事書之碑云至元十一年九月

樞府劄口管鎮襄樊歸附新軍是月拜命同右丞洪公取
日本奪敵旗馬鉦鼓以功北京行省咨保於樞府授以北
京等路新簽洪軍二百二十名攷右丞洪公爲福源第二
子俊哥小字茶邱元史有傳至元十一年八月授東征右
副都元帥與都元帥忽敦等領舟師二萬渡海征日本拔
對馬一岐宜巒等島碑所指卽其事但碑言九月與傳作
八月異外國傳十一年期以七月征日本冬十月入其國
敗之而官軍不整又矢盡惟虜掠四境而歸是以七月
始出征十月卽罷師矣宜以碑爲正若進屢以戰功得拔
都之美名掘輟耕錄漢人賜名拔都者惟文忠武王與太
師張獻武洪範及真定新軍張萬戶興祖掘此則進亦漢

人賜名拔都陶氏蓋檢不及此矣祇適本傳至元三十年
卒此碑猶述進大德三年十月欽授恩命蓋僞托以爲重
非祇適撰也又碑前云破坦賊坦卽李壇蓋借用之

韓氏世德碑陰

存正書

祖母朱氏

高祖 曾祖 祖父韓成

祖母朱氏

劉氏 妹連哥

胡氏 子身故姐姐喜哥婿王郎

陳氏 子來住如姐姐哥

次子丑 次妻孫氏女嬌鵝

盧氏一子栢壽魏氏一子蠻子女貴哥

韓進王氏長子鵬飛金氏一女丑哥

王氏次子德讓金氏一子□□

金氏二子德元陳氏一子張□

次子松壽

張氏一子馬住

三姐養兒婿張郎

二姐丑兒婿高郎

大姐巧兒婿王郎

韓興鄭氏一子□祿王氏故

次子六兒

次妻胡氏三子一女長子口口

次子都林

女奴兒

王氏妹宜哥婿李口

韓口親氏一子德溫一子一女口兒女口

韓舉陶氏一子德榮王氏二女二奴馬頭

妹連兒婿王郎

韓璋身故

王氏一子口兒女針姑

聶氏

長子曰兒

韓忠張氏三子德恭司氏三子次子獯兒

次子身故

次子丑妮子

次子身故妹陳奴婿王耶

韓冲 身故

案碑陰載韓氏凡五世高曾皆闕名書子女并及其婿蓋牽連之文非譜例所宜也自系牒不明浸傳數世子孫皆莫攷其先使知以鐫之墓碑之後猶愈於闕然不講則韓氏碑陰可法已

漁莊記

存行書大德十年閏正月舊藏監生孫納家今移置縣學漁莊吾雲卿摠管韓侯之別墅也去太行東麓三舍洹水界其下號萬金渠折北而東抵相十里而近切東涘百許武卽

其地也其西北諸峯絕巘橫巨天表如萬馬注波而下下視
岡巒聯絡一起一伏若拱若侍林樾遠蔚一重一掩若擁若
衛朝曦夕霏陰晴晦明百態呈露顧搢不暇望銅雀之廢臺
則知魏武徙都之謀觀韓陵之戰場則見高歡必爭之地懷
魏文貞則故笏不復見思韓忠獻則畫錦非所誇凡接於耳
目者皆會於心不越衽席可上而盡也相之勝於是為最比
侯走書京師謂儼曰我汲縣府君買田洹上為菟裘計願未
之遂齋志以歿從益無似繫官於朝乃弗克構仰惟治命日
夕往來於心未始少置今茲幸若弛擔歸守桑梓始獲作我
攸宇周垣於外築之登登架屋其中植之亭亭面山有軒敞
溪有亭白雲在簷激波在楹佳花珍木錯紅峙青種秫而醲

不乏釣鮮而食足供客至則遐矚俯眺神曠神怡鰓詠庶
挽不聽去間與漁蓬樵華杖履相尋魚鳥欣然口適其樂因
題曰漁莊夫勝不自勝因人而著實先人卜之也迨今三十
餘年始克卒成先志不孝孰甚焉先人生雖不獲遂其初心
而神靈昭昭其必遨遊於此亦少慰於九原矣予其爲我識
厥事嚴曰世之不仕者謂仕爲妄爲躁爲貪名爲徇利爲觸
禍機爲履危地不若不仕之清也仕者謂不仕爲隘爲口爲
欺世盜名爲索隱行怪爲少室索價爲終南捷徑不若仕之
任也儼謂彼此相詆皆非也蓋出處去就士君子之大節當
出而出萬鍾非泰也當處而處一瓢非憊也可去則去浩然
歸也可就則就幡然改也顧無可無不可要亦有時中之義

存焉耳彼錮林泉者能德而不能返楛軒裳者知進而不知
退尙奚足語此哉予雅知侯殆十五六年揚歷臺省爵爲時
棟不媿娶不突梯蹇蹇諄諄一節不回於以見其立朝之剛
豈不仕耶及西曹投簪而歸前年除廣平牧去年改樞府判
俄又拜奉常卿一不就方退藏於密願爲烟波主人若將終
身焉於以見其勇退之決豈仕者耶非卓然有定見動而時
中者能至是耶視嚮之規規執一之說穹壤矣儼特以侯善
繼其志爲達孝乃作記以告夫未知者仍系以詞使漁郎鼓
泄而歌詞曰

太行西峙兮洹之上洹東繚兮屋之下有美人兮相羊脫纓
塵兮解組木石兮吾隣鷗鳧兮吾伍拖明月兮擁青霓舉朝

嵐兮捫夕霧顧望音兮何許杜若洲兮蘭者眇寥廓之冥鴻
兮彼羅者其奚慕悲世網之挂士兮綴者輒取夢中流兮風
涌幸出險兮猶怖羗逍遙與世絕兮矧信美又吾皇昇予以
終焉兮曰惟我府君之卜墅繫口草木其勿翦兮尙無望先
德封殖之所

大德十禩蒼龍丙午閏正月中澣北山陳儼記吳興趙孟頫
書

安陽學郁模刻

中州金石記漁莊記大德十年閏正月立陳儼撰趙孟頫
行書在安陽碑云吾雲卿總管韓侯之別墅也去太行東
麓三舍洹水界其下號萬金渠折北而東抵相十里而近

切東疾百許步卽其地也

云

洹水今名安陽河萬金渠在

安陽西北二十里洹出寶山經府城西分注東南漑田世

傳魏武所開又云其利可抵萬金故以名也予按鄴故多

水利自西門豹始隋唐宋元明因之其在安陽內黃湯陰

臨漳武安林縣涉縣者至今往往而有守土官其如何疏

濬裨益於民則考古之學通於政事矣

授堂金石文字續跋漁莊記石出土陳儼撰其文序雲卿

自述我汲縣府君買田洹上爲菴婁計願未之遂齋志以

沒從益無似繫官於朝乃弗克構今茲幸若弛擔歸守桑

梓始獲作我攸宇迨今三十餘年始克卒成先志從益字

雲卿元史不爲立傳仁宗紀至大四年召世祖朝諳知政

務素有聲望老臣給傳詣闕同儀庶務內有奈政韓從益
卽其人也亦見英宗紀至治三年授前樞密院副使吳元
珪王約集賢大學士翰林侍講學士韓從益昭文館大學
士並商議中書省事然則從益以老成之重爲兩朝所毗
倚彼其先固由恬退以植其素故也記又稱從益西曹投
簪而後除廣平牧改樞府判俄又拜奉常卿並可舉以備

史遺文

康少山按記雲卿不就奉常爲煙波主人將終身矣而元
史郝天挺傳云仁宗登極雲卿與郝天挺蕭剡馳傳赴闕
同議庶政仕至昭文觀大學士封魏國公何翻然之易也
豈人世之福易得而雲山供養造物不輕以予人哉雲卿

名從益陳儼不知何許人蘓天爵元文類取其文數首亦
當時知名者兩人元史皆無傳

重修興陽院碑

存正書至大元年五月立在縣西南俗名丈八佛寺

將仕郎國子助教王或撰并書

承事郎同知潭州路湘陰州事李棫篆

今天下都會州郡縣邑山水奇勝富麗之地盡窮其選以爲
大小梵宮可謂盛矣大者因國力小者資檀越復有釋氏能
宏其道所以大而能成其大小而能成其小惟相之安陽交
口村興陽院無國力檀越之助以小而能成其大者由佛之
力也寺之肇基未省何代臆其初必有浮圖氏之才者蘓云

茲陽崦之西南土腴而石潤草樹斐亶光彩照映有石像之
至人由地中出望而畏之慄慄而懼仰而瞻之頎頎而長其
靈異也遠聞遠邇慕嚮者奔走駭汗輻湊而竟赴之皆欲徙
置壞塏屋而居之扶持將行確乎不移屹若山立迺趨陽崦
雖道有齟齬反不勞人然念最爾一區非巍然之閣不能容
其身無曠兮之地曷能宏其閣遂擬塔以覆之其傍必有室
堂齋厨門戶之具度財役工不可勝計豈不曰以小而能成
其大由佛力焉厥後不知幾經劫火蓋可嘆也佛濤之入中
國至梁而後大至唐而後固千百季間纔廢而旋興稍微而
益熾變瓦礫爲寶坊化草萊爲金碧茲寺之廢由金季喪亂
之餘惟塔存焉曠日持久而不能復蓋嘗有僧來主者睹無

陋境圯之至無誠懇堅苦之心人不爲之感動輒自引退逮

至元癸酉里中耆舊呂義黃進等稔聞順德大開元寺誘進

二師者皆純一端懇持律嚴信道篤願請主之幸惠然肯來

二師曰吾素聞古有聖迹其福地可居義等忻然以附寺荒

田長林灌木並施以爲修廢之資二師乃樂爲勞苦不憚寒

暑荷鍤負口糶穢斲枿拾瓦礫手足胼胝如是者有年學

徒稍集方議經度復以寺基迫隘爲嫌相彼塔陰乃陟其砌

土石相戴迺率其徒鑿而鑿之又增廣焉遂構講堂序廊廡

起龍祠土地廟貌桑僧室爲庫既爲齋厨爲門戶不數季而

復還舊觀加封黃焉耆舊輩與二師衆相謂曰覩道場之形

勝背倚寶峯左瞰清洎迤達前帶石磯太行中有重崗複嶺

以環抱焉樹林翳蒼煙雲灑翕張覆露䟽豁扉敞朝曠獻樂
鏡因人勝可無礪石以紀焉演也知孝親蒲公上人雅與或
游暨起踵門偕來謁文余諾而爲之且繫之以銘曰

興陽地僻具勝緣古有聖跡誰其傳像肖永寧文八僊至今
聞人指湧泉未知肇造夫何年浮圖霄崢猶依然幾經劫火
陵谷遷棟宇悉作灰飛煙誘進來嗣忍且堅果也服勞爭栴
先剗削嶮隘宏祇園椽題雄構相蟬聯輪焉奐焉美且鮮淑
景遐邇旅百千演也承事復益虔請以盛事青瑤鐫其後來
者宜勉旃

功德主承事郎真定路臺城尹邢德裕

至大之元歲舍戊申五月望住持僧黃洪演立石

張楷安陽郭儀刊

案碑前列將仕郎國子助教王彧撰并書承事郎同知潭州路湘陰州事李棫篆元史地理志至元十四年立行省改潭州路總管府所屬州有湘陰此題與史符其序寺由金季喪亂惟塔存焉逮至元癸酉里中耆舊呂義等延請進二師主寺興復遂成勝概癸酉歲者至元之十年也

重修興陽院碑陰

存正書

祖師弘慈博化大師廣恩

宣授彰德衛輝懷孟等路一宗僧錄圓明大師通吉祥勸緣
爭土院定慧大師權彰德衛輝懷孟等路一宗僧錄司事燦

吉祥宣尙座

宣授儲禪宮本宗提斧顯真弘教葆和大師陳道明助緣
直歲崇闕妙管妙論妙德院主普進都講洪演洪杲洪雋洪
禧洪淵勝全勝因

首座崇訖講主妙通妙懲妙安提點普誘權講洪果勝慧勝
智毋親普圓勝順

本村立請狀耆老人名下項呂義黃進呂卞呂叙張仙呂九
郎張溫司聚司顯郭太

林彰縣元橋呂彬錄事司木匠付成天禧鎮劉泉錄事司彰
化院順院主水冶孝親院昶都講滿講主喜院主

湯陰縣鶴山鎮劉提領東善應王福妻高氏西城村高源妻

黃氏水冶賈秀實申良戔

錄事司魏大夫

潞州壺關縣龍真村徐全同妻王氏東安善段淮晉庄村元祐廣

助緣花名下項張溫司顯呂口男呂瓊妻趙氏黃用張信張誠呂口呂讓呂謙呂進呂玘呂禎呂諒郭祥馬玉張進韓平郭秀才靳德彭福聚鞏大呂宅韓氏西呂三

南交口村齊鳩張百戶曾福張口馮成邵大謝成吉德善王平吉五吳大齊三

南齊村呂熙張源李宣張瑞賈振趙英曹寬曹政王榮趙義趙信趙瓊魏彬王珪王忠進王聚劉通李德張義張青張顯

劉海曹順王宅韓氏

東馬店趙大西流寺木匠趙博士安陽石匠

案碑陰載林彰縣林與臨古通用字最後稱西流寺木匠
趙博士据授堂金石文字續跋唐同光禪師塔銘有造塔
博士宋玉名因引黃省曾吳風錄謂張士誠走卒廝養皆
授官爵至今呼椎油作麵傭夫皆爲博士剃工爲待詔陸
容菽園雜記醫人稱郎中鑄工稱待詔磨工稱博士師巫
稱太保茶酒稱院使二書所記皆謂在明初蓋亦未悉其
沿於何時今以此銘稱造塔博士則當唐世呼工作人有
是名矣後唐鈞大德塔銘博士侯建鑄字造塔博士郝温
宋通利軍鍾題識後有匠人母郭氏小博士口元小博士

王在俱在明代之前據是則陸黃二君未能推稽至此予更以此碑陰稱趙博士當至大元年亦前於明代又爲續跋資一証也

興陽院施狀銘

存正書至大二年正月立在今俗名丈八佛寺

彰德路安陽縣交口村住人呂義等今爲本村古刹興陽院見今房屋摧倒殿宇損壞無人修理議定請到順德大開元寺僧普誘普進住持興工修造永遠爲主一任剃度其院並無常住所有荒地不計畝數東至朱家嶺南至偏涼西至吉大又西至呂叙北至寺後東西嶺中心爲界四至內土木相連盡係捨施充爲常住修造本寺房廊用度端爲祝延皇帝

聖壽無疆佛日增暉法輪常轉各家檀越人口平安者今將施狀故書於石以記其源耳

至元癸酉五月日立施狀人呂義黃進呂卞呂叙張仙呂泰呂興張溫司顯郭大南呂大至大二年正月日洪演立石

案施狀銘稱古刹興陽院是寺之建置已久元時土人蓋莫攷所起今但從俗呼爲丈八佛寺浸失其實矣元史地理志至元六年併輔岩入安陽此地名交口村卽輔巖地入安陽書之以備疆域所存

安陽縣金石錄卷第十

偃師武虛谷先生著

安陽縣知縣鐵嶺貴 秦棧梓

皇元東昌路總管府推官杜君墓碑

存正書在縣西北王裕邨延祐元年二月立

集口待制奉訓大夫監察御史祝慥撰

中奉大夫山東東西道肅政廉訪使韓從益書并題額

緱山先生以文學名海內與王鹿菴□□單公翰林每遇則必貫穿經史論難古今是非得失尤以爲知己惟不得志於時憂喜哀樂一發於詩止以詩傳於世既歿葬安陽君其第三子也諱□□字榮季以家學見聞之素至元間中丞口

溪王公時任河北監司薦之御史臺爲□□□川道按察司
書史留□歲轉山東東西道考滿除濟□路□歷時歲終諸
路□官偕計□赴京師考其財穀出納之數往返煩廢皆歛
於民君建言會計有名無實徒耗輿馬物力之用因是從其
請□罷之規□改□之餘以□□□人墳墓所在□鬼爲四
方之望今褊陋不稱官府宜大而新之監郡者同其議經始
數□規模宏敞匠巧精密遂爲□□□之冠任睢州判官
□以學宮之廢祿給田二十畝以爲供贍立學校聚邑士擇
師而教之以化其俗後乃始理官之廢務吏之滯事條目以
行睢之城近於河是年水漲溢幾與城平官僚暴露城上伺
祭水候吏來□曰城已有圯市民皆具舟楫以逃蓋亦還第

顧其族屬君叱吏曰保城禦災吾職也□□□平不去水亦不爲□受大名路經歷魏乃河朔重鎮屬邑賦役□□洪辦□□吾職持其中爲上下倚注先已以率衆勤身以治人故內外官賢無廢格事郡官糴米二萬石欲爲民用君以錢米出納之際吏爲□囊官費甚而民得無幾不若以錢直下於民則弊去矣上其議於戶曹□□焉耆儒劉清叔年八十嘗客於緱山一子歿二孫無力以營葬具君□□□作墓葬其父子及尹河間之吳橋先正板籍差等戶□強弱輕重一□於是前時不任負重逋逃者聞之皆曰吾等□徭平矣多復故業而樂爲輸焉邑民郭以地質錢於邢徙家他所數十年而後歸其地直增百倍郭資錢以贖邢輒冒昧曰吾已買

之何以贖爲訟於口久不得直憲司以君公廉委治其案乃以知術得其情迹始驗邑里萬衆稱快歲十月宗室例以駝口下於口路口當分廐飼養廐之材瓦力役口所率歛皆出吏手一取其半多歸單弱下戶至是君以邑中豪富家昔之官府所不敢加徭役者口爲修築口口趣辦貧者不知其難皆歡聲悅服縣多大姓地連阡陌貧寡者死無所歸君爲買地使葬其中名曰義塋原自是死者尙澤及肉骨況生者乎民爲刻石以紀其德歲滿還家事兄尤愛敬雖杯酒菓蔬膳然相對歡如也晚年意不欲仕銓曹以例未當致仕除東昌路總管府推官到任未幾口以疾終享年六十有八疾革有孫侍側教戒曰吾家自高曾業備汝貧可忍讀書種子勿絕

也一子曰愚自東昌以舟載其柩歸相皇慶二年十月十四日葬於先塋之兆曾祖以上世爲霸州信安人隱德不仕祖進之及○緱山先生從金徙居河南讀書緱氏山中肄進士業○卒於芝田考入皇朝應粘○中書分聘自洛還相遂爲相人邱壟旣卜君念祖之遺柩未安負以歸葬緱山墓域初娶陳氏事舅姑孝從君宦於外惟以勤儉自將卒於濟南今合葬焉生二子曰愚爲大名教諭曰齊奴早卒再娶仙氏能諧內外族屬男孫三人曰秉彜秉鈞秉直女孫一人在室愚緼衣煢然來謁○愚○○○○故○○有日○父銘以○於壙惟是平生一二之行無以○見墓隧詔後之子孫敢再拜以請自吾從緱山學始識榮季嘗憶在學舍君賦香篆云

石爐秋月蝸涎冷金屋春○蠹字閑坐皆○其能作詩○
類尤喜長短歌行及長年臨事強志力行遇紛冗有撥煩之
能自號曰肅齋嗚呼歷○郡邑之行何其能且多也使君○
二千石復何難哉惜乎所遇者止於此而已遺之以銘以慰
君之有知銘曰

生有以嗣其世是爲緱山之季子歿有以歸其縣尤盡窳窳
之備禮况乎政治見稱於民材能有爲於事官雖不達於一
時表此尙可百千之禩

延祐元年歲次甲寅二月乙卯朔廿九日癸未建

案碑少損蝕前題集○待制奉訓大夫監察御史祝慥撰
中奉大夫山東東西道肅政廉訪使韓從益書并題額從

益元史無傳見仁宗紀至大四年召有聲望老臣內參政
韓從益卽其人碑載杜君諱□□証以魏公神道碑三子
處愿終東平路推官有惠政是可參驗矣處愿歷官始除
濟□路經歷任睢州判官授大名路經歷尹河間之吳橋
除東昌路總管府推官未幾卒又載祖進之及□緱山先
生從金徙居河南讀書緱氏山中肄進士業□卒於芝田
進之卽時昇金更有傳史書其於正大末卒未著爲何地
掘碑乃知其在芝田而處愿間關遠涉負遺柩以歸葬於
此亦爲賢矣

元聖旨碑

存正書延祐元年七月立在善應村菜園內

長生天氣力裏天福騰護助裏皇帝聖旨軍官每根底軍人
每根底管城子達魯花赤官人每根底往來行的使臣每根
底宣諭的聖旨成吉思皇帝月古台皇帝薛禪皇帝完者都
皇帝曲律皇帝聖旨裏和尚也理可溫先生每不揀甚麼差
發休著者告天祝壽者麼道有來如今呵依著在先聖旨體
例裏不揀甚差發休當者告天祝壽者彭德路有的善應儲
祥宮裏住持的提點葆和顯真宏教大師陳道明彭德路應
有的宮觀提調著行者麼道聖旨與了也這的每宮觀裏他
每的房舍裏使臣休安下者鋪馬祇應休與者稅休與者但
屬宮觀的水土園林碾磨店舍鋪席解典庫浴室不揀甚他
每的不揀誰休倚氣力者更這陳道明倚著有聖旨麼道無

躡例勿當休做者做阿飽不怕那甚麼聖旨虎兒年七月二十八日察罕倉有時分寫來

案碑稱元帝凡五代自成吉思皇帝至曲律皇帝而止曲律謂武宗也是碑蓋建於仁宗延祐元年爲甲寅故云虎兒年又碑上層西番字下層正書西番字卽帝師八思巴所製月古台皇帝謂太宗也元史作窩濶台譯音相近卽借用之是碑見存善應村菜園而首內稱善應儲祥宮今碑西三十餘步尙有故基并大鉄圈安置石上當卽儲祥宮舊物束旗桿用者土人不知所從來因附見之曠遺跡之存渺矣

大都大慶壽寺住持大司空北溪長老施錢米記

存正書在城內天寧寺

惠子可嘉世之所共尚者况清淨布施回向福田其於義也甚宜爰有大慶壽寺住持大司空北溪和尚禪門綱領僧中範模榮膺龍渥主大慶壽者有年且口彰德路天寧禪寺爲受業地一旦以中統鈔壹佰定白米貳佰碩奉入常住出息爲山門費俾每歲八月初四日設供飯僧用資恩有故揭斯石以垂不朽云

至治元年八月初三日

監寺僧智理提點僧智恕立石

案前題大都大慶壽寺住持大司空北溪長老提元史釋老傳瑣南藏卜弟子之號司空司徒佩金玉印章者前後

相望此元代崇尙釋教於西僧多假借以官號如此至
闕復撰重修釋源大白馬寺賜田功德碑云行育卒詔贈
司空鴻臚寺卿則內地僧衆並冒僧名記北溪長老殆相
同矣

零泉寺鐘識

案鐘識正書陰文在寺東廊文云大元國彰德路臨漳縣
張曰村靜居寺比丘僧崇定今發願心出已錢匠人鑄造
鐘一顆重二伯斤於本寺常住用度乞保父婁百戶毋張
氏井及婁宅大小貴眷吉祥如意更爲三界萬靈俱沾利
樂九有四生同登覺岸靜居寺住持澄鑑大師案鼎監寺
僧洪添崇義崇榮助緣監辨功德主本村社長馮世良鑄

鐘匠人赫善輔至治二年十一月謹造据鄴乘所載宋志
臨漳永寧管統村有張昌卽此識張昌村自宋迄元猶未
改易矣

彰德路天寧寺鐘識

存正書在天寧寺大定元年正月

榮祿大夫大司空領臨濟一宗事主大慶壽寺住持彰德路
十方萬壽大天寧禪寺佛心普慧大禪師北溪提點智恕首
座智義智口智空監寺智理維邪智才寶門智達副寺智澤
副寺智從典座洪琪直口智煥知客洪舉錢帛德林口事洪
殿化緣僧洪望助緣銅山鎮普濟院提點善聚施錢功德主
銅山鎮孫受益王君祥王口卿程口口韓文申朱從義士敬

先張士舉焦天瑞焦仲賢張民憲胡仲實焦教授牛信甫賈
文甫王伯福王伯謙王仲和李義承郝功德主保義校尉安
陽縣達魯花赤怯林公艾山鎮張宣使韓用中銅山鎮王紀
元楊利甫宋寬甫男善人張士口女善人劉氏女善人何氏
女善人劉氏女善人口口鐵鐘大鑿劉文口大鑿口忠門人
杜口劉元第口口鑿工人王延太定元年正月

案鐘識榮祿大夫司空領臨濟一宗事主大慶壽寺住持
彭德路十方萬壽大天寧禪寺佛心普惠大禪師北溪提
點智恕元史釋老傳盛言帝師之盛其弟子之號司空司
徒國公佩金玉印章者前後相望此稱領臨濟一宗殆於
禪師亦擅此號爵權益猥濫矣後載保義校尉安陽縣

曾花赤怯林公艾山鎮銅山鎮皆足補前縣志所遺又稱
鑄鐵鐘太鑿及鑿工人并以鑿作監泰定作太定通用字
也

白龍潭廟碑

佚致和元年六月舊在潘流村

王博文撰書

距城西南二十里潘流村有白龍潭者叢祠蔚然其水不經
見其詳不得而攻焉蓋山泉細溜泓渟洄洑匯而爲潭者也
故老相傳中有神物居之頃年旱暵有禱輒應泰定丙寅燕
人馬合謨來守是邦德化昭昭民物熙熙越明年丁卯秋旱
禱而果雨遂割俸金一新廟貌所以答神貺也又明年戊辰

宣政和改元正月不雨至六月寒陽肆凶麥無完穗旱之
禾日就焦稿太守有憂之躬率僚屬絕糧董去巾襪行香致
懇遍告諸祠越五日僉判侯公思明乃諭於眾曰彼潘流龍
祠者曩因旱請不旋踵而雨應今茲旱虐滋甚公等何待而
不往禱焉且歲事不登饑饉洊至司民牧者爲之奈何祈禳
救荒固下策也雖然書不云乎至誠感神第恐吾人不能盡
其誠耳吾其往焉幕僚知事王德暉照磨及宗黷實佐其行
協其乃事擇日涓潔徒步而詣所謂白龍潭者卽事之始先
以絳帕繫二瓶置香案謂之請聖水得請則水滿其瓶不得
請則瓶空如故亦可以卜雨之有無於是祝奠如儀肅拜無
算水幾瓶中水滿而絳帕不濡斯爲靈也已旣而舉水以歸

崇奉惟謹居二日陰雲四合而雨乃大作槁苗溱興人心救
寧歲號小稔嗚呼龍固靈物也不有僉判等之精誠無以見
其神異僉判等固循吏也不有太守閔農憂無以盡其虔禱
之勞太守固賢二千石不有視民如傷之心無以回天地之
和氣嗚呼盛矣哉

案碑佚今据鄴乘刪節本補入撰文及書者出王博文一
手博文見元史李治傳云儒生有如魏璠王鶚李獻卿藺
元庭趙復郝經王博文輩皆有用之才又皆賢王所當聘
問者舉而用之何所不可是博文爲時所重如此而鄴乘
惟載博文魯人徙居相之清和坊號西溪從元憲宗南征
歷官禮部尚書御史中丞卒封魯國公諡文定其被薦舉

之美尙未悉也今觀其文導揚諸有司閔農新雨亦不瀟
美則其言之不苟又可懷也安陽諸小村多祀白龍虔奉
爲最篤然問其由或莫知之予檢鐵圍山叢談所載相州
古鄴郡其西有隆慮名山也寺則齋禪師道場亦名剎也
寺大門之前左右二池東爲黃龍西爲白龍所窟宅政和
間適大旱安陽人禱於池旣未澍於是一時爲之飛奏詔
加封爵焉及喪命下世俗不知厥繇但迎置諸東池而已
一旦雲霧四合如墨天大雷電異常有頃衆登寺樓望則
了然見白龍與黃龍擊戰而黃龍敗焉白龍乃奮迅下取
山嶺將塞東池垂半矣黃龍旣護其居故屢鬪而屢敗且
不已其右山谷間白龍之所據則水屯於門之外波浪高

踰寺樓也羣髮大懼爲焚昏諷咒於樓之上始悟向之大
雨實白龍爲之而黃龍冒其賞故士至此競於是寺髮力
爲之講解仍許再告謂上別本請終日始得平白龍因收
水而退矣詔復封白龍謂蓋此地相傳以白龍致雨自朱
已然故略見於此

案記稱潘流村有白龍潭者叢祠蔚然其水不流云叢祠

見漢書陳勝傳間令廣之次所旁叢祠中張晏曰叢鬼所
憑也師古曰張說非也此宜密於廣所次舍處旁叢祠中
爲之非及人所止也叢謂草木岑蔚者也祠神祠也今碑
所謂與顏氏合據戰國策應侯謂昭王曰亦聞恒思有神
叢與恒思有悼少祥補與叢祠曰西勝叢叢藉我神主百

不勝叢叢困我乃左手爲叢投右手自爲投勝叢叢藉其
神三日叢往求之遂弗歸五日而叢枯七日而叢亡此張
說所據卽今俗巫跳神傳語故陳勝使假爲狐鳴也叢祠
其神之區也張說可依則此記所云未審也

案郭文簡續府志採此文入藝文於記末題承事郎睢陽
尹郡人王博文撰此必碑舊題也蓋文簡時碑猶未埋毀
故得據以書實

彰德路儒學初置雅樂重修講堂

存正書天歷二年七月立在今府學

欽惟我元以神武定天下以文德綏四海禮樂造多士故萬
方郡邑皆設學校選賢徒以誨之擇明師以教之蓋學校興

化之口育材之地得人則興失人則廢自古然也自賢者觀之則以爲聖治之惠政不肖者視之則亦以爲悞時之末務自口口口盛衰俱係乎賢之得喪口口之自出亦係乎學之廢興也堯舜三代賢材萃出國都閭巷莫不有學故其世口神基開於無窮矣秦滅德教焚毀詩書口戰而來角逐羣雄不數十載而七廟口毀子孫無遺以此觀之則學校之設實非細故豈坐視圯毀而不留心也耶彰德路儒學自國初尋建已來經今百有餘年其間廢而復興興而復廢者多矣莫不賴賢守者以經口之班班其名著乎人耳目不過數人焉亦何賢之艱哉於泰定間本路總管馬公口同知伯顏公判官侯公等下車之初每垂意於郡學暨升降釋奠觀樂工執

俗樂歌哇淫之聲公乃歎曰樂之所以感人心變民俗人之
邪正由之甚可以是導之乎於是召吏欲遵大典勸率諸儒
後輸私財爲僚屬倡衆欣和之遂口中統鈔百定餘選錢口
錄蕭從口口江浙不遠千里僦工口成古樂器陸拾肆件一
遵古制樂旣稍備又慮請堂齋舍等欲將頽圯師生無所容
恐終殺美績又及乃檢僉謨擬割俸貲口屬縣估輸口財急
儕工匠一物必酬其直口介無侵於民口舊益新甃瓦重完
壁飾口美粲然一新經營於天歷二年之四月落成於當年
之六月乃請同僚口口堂本爲國家育養人材而設今旣完
矣生徒若是寥寥反不若一縣口之多口吾口勸口有不
至者歟吾聞之善爲化者以善誘民而利導之口口口口口

○凡諸生隸學者悉捐雜徭勿令與凡民等才德之優者成
秩序擢貢之既而生徒雲集增廣元額衣冠濟濟絃頌洋洋
非他年比於是教○忠及○日○來撫是類者如
前數公誠知務矣今之治郡者其爲國忠貞之心務崇學校
勵賢興化功不在前數公之下矣可不勒石以勸來者乎因
召諸生○○○之曰是學也有儲書以會其淵源抑有以
資其博識有琴瑟鐘鼓以正其八音抑有以蕩其邪心而今
而後其可以出入無○○日徒弄筆於華巧○○○
○以研精乎其爲師者亦可以博奕飲酒優游以日○厥職
乎抑後之爲治者亦可以不務德禮導民徒以簿書期會錢
穀出入爲政之本乎諸生宜勉勉勿替○○向學不惟獨稱

於郡守者之用心抑亦斯堂則不爲徒建也時天歷貳年孟
秋下□□□日學正平璉記并書

宣武將軍彰德路總管府達魯花赤□□路諸軍奧魯總
管府達魯花赤管內勸農事□兒

太中大夫彰德路總管府水路諸軍奧魯總管管內勸農
事馬合謀

奉政大夫同知彰德路總管府□□

承直郎彰德路總管府判官侯□□

承務郎彰德路總管府推官徐□□

承事郎彰德路總管府經□王起□

從仕郎彰德路總管府知事王德輝

將仕郎彰德路總管府振控案牘兼照磨汲宗黯

儒學教授繆忠學正平璉學錄賈頰立石

安陽張楷刊

案碑後列學正平璉記并書其文云秦定開本路總管馬

公同知伯顏公判官倪公垂意於郡學暨程奠觀樂工執

俗樂歌哇淫之聲於是召吏欽遵大典勸率諸儒多輸私

財就工成古樂器六十四件云元史閣復傳元貞元年上

疏言京師宜首建宣聖廟學定雅樂從之此雅樂起於京

師復爲之唱也暨後諸路亦設雅樂見於禮樂志延祐五

年命各路府宣聖廟置雅樂選擇習古樂師教肄生徒以

供春秋祭祀是也宜其時諸府路皆爲之奉行然据此記

在天歷二年廟學猶有執俗樂之謂有司因循致格詔令不行可爲太息已此記所云欽遵大典當卽指延祐命置雅樂之文平璉記其事耳

彰德路儒學荆置雅樂重修誦堂記碑陰

存正書

缺儒學監修官吏人等

安陽縣官

承德郎安陽縣尹李口

錄事司官

從事郎錄口高章 司吏朱顯祖

口吏王口忠 和按

學高口敬 司書萬無黨口口口李亮

天歷二年十一月廿四日記

創建武安王廟記

存正書元統二年七月在彰德府城西北隅觀音堂

安碑字鐫刻微纖下截又剝蝕文多不屬惟首載崇寧護

國真君義勇武口口据元文宗天歷元年加封顯靈威勇

武安英濟王此記在順宗元統初乃書崇寧護國真君義

勇封號或順宗時又爲改易與後書建康行御史台諸路

監察御史韓口口疑是撰文者名已缺元史百官志至元

十四年始置江南行御史臺於揚州尋徙杭州又徙江州

二十三年遷於建康以監臨東南諸省統制各道憲司記

所云建康行御史臺是其職也其稱諸路監察御史亦由
至元十四年置此員然微異於內察院者亦以諸路別之
也後列長興禪寺住持比丘僧曰德才書文太近俚稱曹
公贈袍挑擊馬上諸語近戲場有挑袍雜劇蓋早見於元
石刻如此

福會禪寺法堂壁記

佚天歷甲戌歲

魏武定開東安王婁叔爲道馮法師始卜相城迤西寶山之
麓道場一區至隋有師靈裕者請額於朝扁之曰勅建靈泉
禪寺降及北漢乾祐開緣地狹而僧衆遂分建一寺於相治
之右卽其坊曰福會而寺因以名暨宋則奎聚口星口未幾

金元繼作有釋曰法道載傳其教寵錫紫衣至元初口口釋
廣懿傳之祖顯顯傳之法贊贊傳之智遇遇則志能以復遂
建殿宇若干楹時得臨漳尹裴珪借其幕賓劉源者捐貲以
爲倡實天歷甲戌歲也

案壁記畧見於明正德重修福會寺碑所引其云魏武定
間東安王婁叡爲道馮法師始卜相城迤西寶山之麓道
場一區此寶山寺所起也又云隋有法師靈裕者請額於
朝廟之曰勅建靈泉禪寺据靈裕傳石刻裕請歸於鄴文
帝許之乃命左僕射高頌右僕射蘇威納言盧慶則總管
賀若弼等詣寺宣旨代帝復受戒懺罪并送綾錦衣服絹
三百段助營寶山寺御自註額改號靈泉與此記請額於

朝合惟後題天歷甲戌歲天歷無甲戌此爲惠宗元統
建此寺而省通志以爲元元統建殆於不審其實矣

彰德路創建鯨背橋記

伏後至元三年夏

詩有王撰

聖朝旣平宋經畫遐邇六都小邑枝疏脉貫際天所覆猶身
焉政命之宣布商旅之通遷水浮陸馳舟楫梁濟荒陬僻壤
無遠不達猶氣血周流百骸用康一或壅塞則身爲之病矣
故橋梁若道路路若府州縣皆專官董之歲時巡行而察其
廢修此朝廷著令示爲政之先務也彰德實古相河曹甲所

居禹貢冀州之域也世有廢興邑有改徙而山川之流峙形勢之雄偉津塗之要衝有不得而變者焉我朝爲路路則今制而名則昉自石晉宋若金皆因之郡直孔道驛傳屢陸涉尤劇都北四里洹水所經夏秋受西山萬壑之流奔橫駛悍滅防蓄涘蕩然四溢官舟濟人而要需阻尼上曝下淖負挈奔渡擠排蹴蹋漏中流惴惴及溺水涸作橋因肆指斂聚良用惡薄覆弱揅行者杭隍莫不股慄歲一修拆民大有輸締構之用百才一二蠹財病民不知其幾年矣西域荀公凱霖嘗監安陽縣位卑力小有志未就余待罪中書適赴調京師嘗語及是慨然曰使不武長郡必作石橋余旣懲過之且語之曰果成余爲若記俄陞路達魯花赤至元二年歲丙

予春游事首遊於庭曰恒橋病民盡倪具知爲永遠計非石
不可且嘗請諸冬官冬官可之總管馮公思溫繼至而同知
阿藍判官毛刺直暨幕屬諸君莫不協恭贊畫乃相舊渡沙
探水濶底難爲植疏鑿引水人用重勞東一里水磴廢渠止
性堅良面勢惟允甚是締構事半功倍相距幾舉武後先幾
年莫有迹者目力一及若發部物出莫不躍然以喜地爲天
寧寺業世不可半也乃召其徒以其法語之曰佛以慈航濟
渡故凡世之宏益於人者多若輩爲之且聞有所謂八福田
者若橋梁居其一焉則是役也若輩宜爲之况而地乎惟力
之有不及也其亦難強於而哉誠捐此地吾有司自爲之福
田利益其亦肇基於若乎師徒聞之聚而謀曰是誠吾徒之

當爲而不能爲有爲者出尺寸地向可斷乎相與署券入官
約又不畔旣得地以府帑雇募工購材惟石之用以尺計
者數餘二萬攻琢輪輓費勞實繁得石水台近而易致蓋昔
產地也懸夙鐵鋌靡不具集安陽縣尹趙時敏實集其材復
董其役恪共朝夕用底於成經始丁丑二月凡四閱月而建
其楹未廣而淺未濬罕未陞而防未堅者明年夏始克訖功
其長亘十五尋礎基於淵兩端礮岸中作三墩析水爲四而
銳刃其西以劈水怒四環順列一脊穹起植欄兩翼其廣可
以行四車凡材假於民直有未歸者馮公入爲刑部侍郎總
管杜公德遠適來乃共發帑悉酬之予得請歸二公率其屬
請曰橋之成國家之福民瘼之力而適歸而身履之昔之言

今其酬哉予亦昔之冬履危而夏目險者也紀功示後記宜
爲也况有言可食乎天下之事成於有志一僧子然而出傑
無宿春植一標於荆榛瓦礫之場而萬間金碧不日突起矣
天下之橋以雄偉名者多其徒爲之孰有儋天子之爵操得
致之柄而反不若彼哉愚者不能黠者不爲也其或勵志率
作而同僚嫉之上官搯之自非先之以定見守之以定力奮
不顧流議而勇於必爲者鮮有濟焉初是役之興有言韓忠
獻三守相凡渠水之利莫不修復使橋可作則必先矣蓋不
可作也殊不知古人蓋亦有不及爲而後人爲之者未聞古
人事事盡爲而後人無一可爲者也昔杜預起建河橋於富
平津衆論以爲殷周所都經聖賢不作者必不可作故也預

曰昔造舟爲梁則河橋之謂也遂作橋成則知古人之立事亦未免譁於浮議而成於定力也噫作者之難若是俾其功勿壞而施於無窮則有望於繼者焉旣爲記之又采輿人之謠爲之頌曰

洄水激激載伏載流始於濫觴俄而勝舟故爲悍肆奔騰喧
塵揚爲驚濤激於堆埼倅馳孔殷商途攸出乘危將墜濟險
慮覆歲狙目偷安斯匪今孰急其病而疚其心豈無徒杠亦
有輿梁腹民之膏視爲故常膏腹靡恤事功奚益枯株槁壤
載胥及溺乃有長人職思其忠心匪石轉詢謀復同浮言譏
說謂古有賢而不此作豈昧於前我不爾咎爾亦匪誣我病
誠切孰興孰除千夫運斤山石爲竭曾不逾時橫空巖峩鱗

集櫛比堅猶馳玉腕
龍卧岩岩雲直昔以江海今而堂湖
偃僂絡繹晝提夜携凡今之人盡究所適且播木周兮求其
實有爲遠慮人卽迂之惟畧近效入大可期繼今有位勿怠
其成水賦橫流岸虞善崩洹水攸攸頌聲洋洋百世而下於
戲不忘

案記石久湮無存拓至正集爲補其文鯨背橋者以洹橋
改名經始於至元丁丑二月明年夏始克迄功倡始者苟
公凱霖集材董役則安陽縣尹趙時敏實終其成記云彰
德實古相河亶甲所居禹貢冀州之域也我朝爲路路則
今制而名則昉自石晉宋若金皆因之舊五代史晉高祖
本記天福三年升相州爲彰德軍置節度觀察使又王延

允加檢校太傅充相州彰德軍節度使是記明據與此合
碑又云郡北四里洹水所經夏秋受西山萬壑之流奔橫
駛悍滅防齧溪蕩然四溢官舟濟人而夢霏阻尼上曝下
淖負擊奔渡擠排蹴躑漚中流惴惴及弱水涸作橋因
肆掎斂聚良用惡薄覆弱楮行者机陘莫不股慄歲一修
折民大有輸締構之用百財一二其言實深切足爲大戒
予故著其語以告司土者爲民計長久非在塗飾一時庶
有賴焉

五龍廟碑

伏

中書丞丞許有主撰

龍於天地間爲物最神乾首六十四卦獨是取象其以神變
不測時乘御天雲作雨施蒸民乃粒功莫與京乎大塞堪輿
小爲蠶蠟能短能長能幽能明者神之末也管子曰龍水之
神者也乘水則神立則雖神物其亦擇所可依而後能神其
神哉江河湖海固其家也天下之曰潭曰湫曰巖曰洞曰池
者亦必幽深僻險有水可依而後居焉土人往往時見光怪
不敢褻也而又旱曠有禱則從而祀焉彰德路安陽縣西北
五里洹水之湯有五龍廟廟之下水黑而深洹水至是瀦而
後泄其龍居之淵乎太原元裕之效虞初書言明昌中風按
廟樹印地有蹟事頗涉怪而不及廟之建始何時其號五者
具五方爲象設爾以其禱之屢享也路達魯花赤荀公凱霖

同知阿藍判官毛刺直嘗修其廢築臺其前至元四年戊寅夏旱甚甫事請禱六月二十日甲申總管杜公德遠始下車憂惶無措曰不才之來丁旱之會又數日不雨則苗盡槁人何食賦何徵責何以道盍走靈祠而禱諸荀公曰五龍廟効靈自昔協恭精禱神其憫乎於是率僚屬齋沐具香幣禱焉戊子行事雲乃起是夕微雨越翌日雨大作三日乃止苗之槁者淳而與市之閑邊者發人之轉徙者息病者以蘇訛言以寂豐凶笑顰變乎旦夕既報祀安陽縣尹趙君時敏刻石以昭神貺以達邦君之休夫龍與人異處昔闢涸淵子產以爲吾無求於龍龍亦無求於吾惟其無求則子產之言是已爲天子牧守其土養其民以供其貢賦而歲將告饑人將轉

死苟可弭菑當卽致其極則其能無求於龍乎且龍之托於
茲水以神其神人象而祠之有年矣應捷桴鼓亦其宜也否
則將不與搏土縹翼等哉抑聞之雨由乎神而亦出乎人至
誠貫金石信及豚魚况龍之神人之誠有不格者乎然而能
之德不可忘也祭法曰山林川谷邱陵能出雲爲風雨見怪
物皆曰神洹水有龍龍能出雲爲雨祠亦宜哉書其概申以
迎送神曲俾祀而歌焉其詞曰

洹之水兮沖澗祠其溪兮惟其深羗自珍兮神龍洵澤勝兮
寶所宮愬之虐兮蘊隆龜吾田兮槁吾稼種將竭澤兮及爾
躬哀吾氓兮疲瘵忍及喙兮弗充龍之怒兮奮飛豐隆前驅
兮屏翳後隨騰清波兮淋漓沛爲霖兮鮮厥奏報祀兮孔時

令風肅兮滿旗鼓坎坎兮吹去委荷神嘉兮無期膏澤施兮
不屯留其傑兮水欣欣牲之朋兮醪之醇琮深脩靚兮樂燎
薰享不儀物兮享以人龍之去兮遠巡壑雲氣兮氤氳歸九
淵兮深藏飲大惠兮庇一方時潛飛兮則其常有扣斯應兮
惟爾之臧百穀充羨兮遺秉在田龍兮龍兮人不爾諉

案碑久毀沒今據至正集補入至元四年夏旱甚純管杜
德遠與路達魯花赤荀凱霖協謀禱雨有應爲述其事如此
凱霖見至正集西域使者哈只哈心碑凱霖字和叔擬寶
慶路邵陽縣達魯花赤移彰德路臨漳縣臨漳終更移安
陽遷林州達魯花赤陞奉議大夫彰德路總管府達魯花
赤兼本路諸軍奧魯總管府達魯花赤管內勸農事丙子

春早入境卽雨和叔自謂偶然而民心是悅其來也作涇
水石橋修公廨傳舍百廢具興云德遠見至正元年儒學
雅樂記至元戊寅夏六月定興杜公由中書左司出奉命
以總管來蒞茲郡下車祇謁大成殿已乃與學官而進之
詢以祀未有樂率□□爲錠者一百有三十造八音之器
其製六十又四選儒生之妙齡俊秀者而閑習之禮行樂
舉間奏迭作鏗鏘清越既翁商繹審是則二君之爲政舉
得其要故能致誠以感於神非是恐籠不爲靈也

□元後衛親軍千戶宣武將軍蔡君墓碑

并序

存正書後至元三年在城東羊泚村狄家閑院

翰林直學士朝列大夫同知制誥兼修國史李之紹撰

宣武將軍後衛親軍千戶上騎都尉濟陽郡伯蔡恕書

集賢院直學士朝散大夫一齋題額

□□□□□軍千戶□□□□□□□□□□

□□坐□而言曰其先世安陽人國初郡□□□□□□

諸□□祖父興□在行間□□百夫長尋告缺□□□□□

□□□□□至□□籍諸□策名□卒□上小念尤能伸鳥鳥

之報顧惟賁飾邱壠庶或□□萬□謹□□□如別幅幸□

先生爲文諸□□□□缺□□□□之後□□國田□□□方爲

百姓□安陽不知其□從珎素饒拳勇習武事紹業未幾適

親王□令辰武皇□□□□壬戌□□□□□南攻圍半歲

老僧□之戰麾下殺獲居多爾後鎮襄陽狗□□□五□復

村之先塋禮也□□□子□□□恕其長也次忠次玳

缺

□□□□□□□□□□長□毅初彰德帥怙權力擅殺

帳下將士二人以剛直忤衆或譖之曰是□外叛遽命引出

戮□□知其□□□□□獨趨□拜首於□□□□□自

□□□□□□□□□□入終身感德謂其子曰吾非蔡

公不至今曰公乃爾父之父也乃卒衰服三年如□□□□

服其義□□人相食□缺

皇奮厥武撫定八區天生羣才應時所濟謀取識智戰資果

銳惟旅之□二美兼備戮力行曰缺多閱歲年涉艱歷險被

獷摧堅位以勞陞賞非虛受煌煌金符若□□□旣立其家

且□□□推原究本祖德有光乃紀遺勳乃表幽隱式慰孝

思愛未來商其懋口庸其竭爾忠益擴爾業傳諸無窮

宣武將軍後衛親軍千戶上騎都尉濟陽郡伯

缺

至元□□□次丁丑□月

缺

案碑前列翰林口學士初列大夫同知制誥兼修國史李之紹撰宣武將軍後口親軍千戶上騎都尉濟陽郡伯蔡恕書集賢院直學士朝奉大夫一齋題額書文人蔡恕卽琮之子不稱男某又不倩人填諱乖於禮矣李之紹元史有傳延祐四年陞朝列大夫七年召爲翰林直學士碑與史符至同知制誥兼修國史傳未之及題額者稱一齋書號而不書名未知所謂也碑壅埋土中文多剝落有云父興又云琮素口拳勇証之元史本傳書其官位行實相符

惟碑言累曰山東宣慰口傳失紀此官又言至大進武畧將軍詳二字並爲一字是爲武宗建元之四年傳言元貞

元年進階武畧殆不審矣碑後言彰德帥怙權力擅殺帳下將士二人以剛直忤衆或譖之曰是口外叛違命引出戮之公趨拜言得釋二人終身感德命其子服蔡君之喪衰服三年本傳略此事不書珍諸子可見者尙有忠玘瑛惟恕以襲職附見珍本傳末行題至元口口口次丁丑案前至元三年亦爲丁丑今決爲後至元四年丁丑以碑言至大辛亥尙進階則知是碑更後於此故立石曰爲後至元也碑在某氏家墓卽近此命役夫發土出碑拓數紙仍爲掩置居人宜善護之